

Referendum '94 : un simpel formalidad

ORANJESTAD (IPA) — “Pa MEP ta e acuerdo sera na Hulanda na 1983 ta sagrado, y no e derecho di autodeterminacion di e pueblo di Aruba,” asina Sr. Tico Croes a remarca, refiriendo na e foro organiza pa FTA caminda a sali na cla cu Independencia na 1996 pa MEP ya ta un hecho.

“MEP ta mira e referendum consultativo cu lo tene na 1994 como un simpel formalidad y nada mas : nos pueblo no tin otro alternativa cu esun di accepta Independencia na 1996. Cu e ponencia aki, MEP y ‘su ‘brotherman’ den gobierno ta accepta atrobe e presion cu Hulanda a impone ariba nos na 1983.”

Sr. Tico Croes a ataca tambe e retorica emocional caminda ta purba convence pueblo cu si Aruba no accepta independencia, Aruba ta perde

“honor y dignidad”. Arubianonan mas bien lo perde “honor y dignidad” door di escoge pa un rumbo cu no ta na su interes, pues pa un independencia di cual e beneficianan ainda ta desconoci.

“Pa AVP e derecho di autodeterminacion ta un derecho cu ta pertenece unico y exclusivamente na e pueblo di Aruba,” Sr. Croes a remarca, “pa cherce e derecho aki, pueblo mester tuma un desicion directo - pa medio di un referendum - encuan to su futuro estructura estatal.”

E parlamentario adem as a remarca cu independencia no ta e unico alternativa pa Aruba, y cu den e actual situacion economico, politico y social, e opcion logico ta pa mantene Status Aparte of busca independencia : “pa scohe den e opcionnan aki mester compara pa mira den cual di dos nos ta miho para....”